



Broj: 15-03-16-5-4-64/22  
Datum: 10.6.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

### **O D L U K U** **o izboru najpovoljnijeg ponuđača**

#### **Član 1.**

Najpovoljniji ponuđač u postupku javne nabavke **materijala za čišćenje**, objavljenom na *web* portalu Agencije za javne nabavke Bosne i Hercegovine, Obavještenjem o nabavci broj 1110-7-1-10-3-36/22 od 25.3.2022. godine, a koji je proveden postupkom konkurentskog zahtjeva za dostavljanje ponuda, je „**DEFTER**“ d.o.o. Sarajevo.

#### **Član 2.**

Poništava se Odluka o izboru najpovoljnijeg ponuđača broj 15-03-16-5-4-56/22 od 16.5.2022. godine na osnovu koje je ponuđač „NOVOTEKS“ d.o.o. Banjaluka izabran kao najpovoljniji ponuđač u postupku javne nabavke materijala za čišćenje.

#### **Član 3.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

#### **Član 4.**

Ova odluka stupa na snagu danom donošenja.

### **O b r a z l o ž e n j e**

Nakon preduzetih aktivnosti, Komisija za provođenje postupka javne nabavke materijala za čišćenje je konstatovala da je rok za prijem ponuda bio 13.4.2022. godine do 12:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača: „DEFTER“ d.o.o. Sarajevo, „KECKOM“ d.o.o. Banjaluka i „NOVO-TEKS“ d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-4-52/22 od 11.5.2022. godine, u kojem su detaljno obrazloženi razlozi za izbor najpovoljnijeg ponuđača.



Pomenutim zapisnikom je utvrđeno da ponuda ponuđača „DEFTER“ d.o.o. Sarajevo sadrži računsku grešku, te je ovom ponuđaču upućen zahtjev za prihvatanje ispravke računске greške, a koji je istu prihvatio, što je potvrdio svojim odgovorom od 25.4.2022. godine.

Daljom analizom zapisnički je utvrđeno da ponude sva tri ponuđača ispunjavaju sve zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su ponude kvalifikovane i prihvatljive u pogledu dokaza koje dostavljaju ponuđači, a dokumenti su dostavljeni na propisani način kako je to definisano tenderskom dokumentacijom.

Analizom ponuda, u postupku sa kriterijumom najniža cijena i nakon provedene e-aukcije, Komisija je predložila da se za najpovoljniju ponudu izabere ponuda ponuđača „NOVO-TEKS“ d.o.o. Banjaluka. U skladu sa prijedlogom Komisije, Agencija je dana 16.5.2022. godine donijela Odluku o izboru najpovoljnijeg ponuđača broj 15-03-16-5-4-56/22, te o istoj obavijestila ponuđače i po proteku roka za žalbu na Odluku o izboru dana 27.5.2022. godine uputila primjerke ugovora o kupoprodaji materijala za čišćenje na potpis drugoj ugovornoj strani. Svojim dopisom od 7.6.2022. godine, broj 81-06/20, izabrani ponuđač „NOVOTEKS“ d.o.o. Banjaluka je obavijestio Agenciju da nije u mogućnosti prihvatiti potpis ugovora zbog neplaniranih poskupljenja u toku mjeseca, koje se odrazilo na njegovo poslovanje i poslovanje njegovih dobavljača zbog čega mu je otkazan dobar dio isporuka robe.

S obzirom da je ponuđač NOVOTEKS“ d.o.o. Banjaluka postupio u skladu sa tačkom c) stava (3) člana 72. Zakona o javnim nabavkama, odnosno u pisanom obliku odbio dodjelu ugovora, Agencija utvrđuje sljedeće:

U postupku javne nabavke materijala za čišćenje najpovoljnija je ponuda ponuđača „DEFTER“ d.o.o. Sarajevo sa **ukupnom cijenom robe u iznosu od 5.990,00 KM bez PDV-a, odnosno 7.008,30 KM sa PDV-om**, s obzirom da ista u ekonomskom i tehničkom smislu zadovoljava zahtjeve ugovornog organa.

Na osnovu navedenog odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

 Invalid signature

X



DIREKTOR

Dr. sc. Arif Nanić

Signed by: RTRBIC  
Digitally signed by RTRBIC / digitalno potpisano / digitally signed